

Informaziuns impurtontas

ORGANISAZIUN DIL CUORS 2025

Annunzia

L'annunzia succeda directamein via www.frr.ch ni cul cedel d'annunzia che sa vegnir empustaus sur cuorsromontsch@frr.ch. L'annunzia ei ligionta, denton valeivla pér suenter il pagament dalla taxa da cuors.

Avertura dil cuors

Dumengia, ils 13 da fenadur 2025, ell'aula dalla Casa Sentupada a Glion

(claustra dallas soras dominicanas)

15.30 apero da beinvegner

16.15 avertura

18.15 tscheina d'avertura (cun hosps)

Igl invit per l'avertura suonda fin zercladur/entschatta fenadur. Hosps ein beinvegner!

1. di da cuors

Tuttas participontas e tuts participonts serimnan gliendisdis, ils 14 da fenadur, allas 9.00 ell'aula dalla Casa Sentupada.

Finiziun dil cuors

Venderdis, ils 25 da fenadur 2025

17.30 apero

18.15 tscheina finala

20.00 program recreativ ell'aula

23.00 (ca.) fin dil cuors

Excursiun

Gievgia, ils 17 da fenadur 2025

L'excursiun ha liug el ravugl da mintgamai 2-3 classas e cuoza gl'entir di. Nus supplichein da procurar per calzars adattai.

Program accumpignont

Duront las duas jamnas vegn purschiu la sera dallas 20.00 ni alternativamein era suentermiezdi dallas 15.30 in program accumpignont gratuit e public. Inaga ch'il program accumpignont ei definitiv, vegn quel publicaus sin nossa pagina d'internet.

Fotografias/films

Duront il cuors vegn adina puspei fotografau e filmau. Leis Vus buca schar publicar fotografias ni films da Vus, sche supplichein nus Vus dad annunziar quei ordavon a nus a scret.

Renconuschientscha dil cuors

Nies cuors vegn renconuschius sco cuors da perfecziunament entras il cantun Grischun per tuttas persunas d'instrucziun e mussadras/mussaders da scoletta, sco era entras il Center svizzer da perfecziunament dallas persunas d'instrucziun da scola media (CPS).
Mintga partecipontA obtegn in diplom alla fin dil cuors.

Segiradas

Segirada ei caussa dallas partecipontas e dils parteciponts.

Taglia sin plivaleta

La taglia sin plivaleta ei cumprida els prezis indicai.

Tgauns

Igl ei buca lubiu da prender tgauns al cuors, era buca all'excursiun.

CASA SENTUPADA (liug da cuors, albiert e dunsena)

Via d'access alla Casa Sentupada e parcadis

Il plan culla via d'access alla Casa Sentupada ei aschuntaus sutvart.
Cunquei ch'il plaz da parcar ei limitaun, cussegliem nus da formar cuminonzas da viadi.

Interns/Externs

Igl ei pusseivel da prender albiert en Casa Sentupada durant il cuors. Reservaziuns per albiert e dunsena ein da far directamein tier la Casa Sentupada.
Interns stat per persunas che prendan albiert en Casa Sentupada, externs per tut las autras.

Carta da hosps

Mintga parteciponta e mintga partecipont che pren albiert en Casa Sentupada retscheiva igl emprem di ina carta da hosps. Quella carta ei personalisada cun num ed adressa e dat access gratuit ni reduciu a differentas purschidas ella regiun.

Singulas tschaveras

Sper las persunas internas san era persunas externas prender singulas tschaveras ella Casa Sentupada, en special gentar e tscheina. Uonn san las singulas tschaveras vegnir annunziadas entras in formular en lingia. In ligiom a quel vegn tarmess a tuttas partecipontas ed a tuts parteciponts inclusivamein il plan da menu rodund duas jamnas avon il cuors. Igl ei pusseivel da far midadas durant il cuors, mintgamai tochen la damaun dallas 9 dil medem di.

Bubrondas e snacks

Durant il cuors sa la consumaziun da bubrondas e snacks vegnir nudada en ina gliesta che stat a disposiziun. Igl incasso dalla consumaziun succeda alla fin dil cuors entras il personal dalla Casa Sentupada.


Access cun sutga da rodas

La Casa Sentupada ei accessibla cun sutga da rodas.

Claustra dallas soras dominicanas a Glion



Survart: Via a pei naven dalla staziun dil tren alla Casa Sentupada



Via d'access cun auto, arrivond da Cuera/Laax